

Gwerzh ar vezhinerien (Denez Abernot)

Solo 1:

Na pa 'm boa klevet ar c'heleier
E ranke mont kuit va mestrez
Da vezhinañ d'an enezeier
Trielen ha Molenez

Na pa 'm boa-me na klevet ar c'heloù
E ranke mont kuit mintin mat
Kerkent ha ma save ar gouloù
E save an dour en va daoulagad

Kar ar vuhez en enezennoù
'Zo ur vuhez trist ha kalet
Bemdez bemnoz e kreiz ar poanioù
Ar vezhinerien 'zo tud daonet

Solo 2: (+ eil vouezh war an diskan)

En o bagoù abred diouzh ar mintin
E lakeont ar c'herreg en noazh
Faoutet o daouarn gant ar c'hilhotin
Ha torret o c'hein gant ar c'hravazh

Ar beleg kozh er gador a lavar
Ez eus un Doue war ar mor
Hag un Doue all c'hoazh war an douar
Evit ar re a chom er goudor

Solo 3:

An hini en deus graet ar ganaouenn
En deus bet klevet alies
Kerent, mignoned hag amezeien
O kontañ buhez an enezenn

E dad kozh en deus bet graet ar vicher
Da droc'hañ an tali moan
A-hed e vuhez war reier
Etre ar C'horejoù ha Kerlouan

DISKAN: ***Oh lan di lan di lo x3***

Eil vouezh war an diskan goude ar poz 4, ha betek ar fin.